

SARS E HAPA DIKHONTEINA TSE 11 TSE TSEBAHADITSWENG KA TSELA YA LESHANO

Tshwane, Laboraro la 8 Phuptjane 2022 – Ditshebeletso tsa Lekgetho tsa Afrika Borwa (SARS) ka sehlopha sa sona sa Bolaodi ba Meedi se bitswang 'National Rapid Response Team' se hapile moqeqeko wa tse supa (11) tse tsebahaditsweng ka tsela e leshano tse neng di kentse diaparo tse neng di boletswe hore ke dieta mme tsena di ne di ka nonyetsa mokotla wa naha tjhelete ya boleng ba R 3 million.

Sehlopha sena sa Bolaodi ba Meedi se ile sa phenya dikhonteina tsena tse belatsang tse 11, mmoho le ditokomane tsa tsona mme tsa fumana hore moqeqeko ona o na le ditsebehato tsa leshano tse entsweng ke ba babedi ba fumanang dithoto ho tswa ka ntle ho naha. Bana ba fumanang dithoto ho tswa ka ntle ho naha, ba tsebahaditse tsena ka leshano ka hore ke dieta.

Ho butswa nyewe ya boqhekanyetsi kgahlano le bana ba fumanang dithoto ho tswa ka ntle ho naha mme yona e mane Ditshebeletsong tsa Sepolesa sa Afrika Borwa, mme sona se ntse se etsa diphuputso tse ding ka kopanelo le SARS.

SARS e lakatsa ho toboketsa temoso ya yona ho bahwebi ba sa ikobeleng tefo ya lekgetho mmoho le diakgente tsa tlhekelo hore ba lese tlwaelo ya ditsebahato tsa leshano ka maikemisetso a ho leka ho qhekanyetsa mmuso se lokelang ho kena mokotleng wa ona.

Khomishenara ya SARS Mong. Edward Kieswetter, o thoholeditse matsapa a bahlanka ba Bolaodi ba Meedi. O itse, “Molaetsa o lebang ho ho bahwebi ba sa ikobeleng tefo ya lekgetho mmoho le diakgente tsa tlhekelo o tlameha ho ba o totobetseng, hore ho bapa le maikemisetso a rona a mawala, SARS e tla dula e tswela pele ho matlafatsa bokgoni ba yona ba ho fokisa. E tla thafalletsa le ho etsa hore ditjeo e be tse hodimo bakeng sa balefalekgetho bao ba etsang diketso tsa bonokwane le tse qobang ho lefa lekgetho ka boomo.

Bakeng sa dipotso tsa bophatlalatsi ba ditaba, ka kopo ikopanye le SarsMedia@sars.gov.za.